

Projekat "Razvoj volonterizma" Bijeljina

Glavni cilj projekta je bio promocija volonterizma i aktivizma kod mladih na području općine Bijeljina.

Ovim projektom se obuhvatilo 20 mladih ljudi - volontera koji su imali priliku da prođu treninge i da steknu osnovna znanja o neformalnom obrazovanju, vođenju radionica, radu sa mladima. Volonteri su učenici srednjih škola i studenti fakulteta na području općine Bijeljina. Ovim projektom volonteri su imali priliku da pored edukacije, odrade i praktičan dio, u obliku 10 radionica, koje su radili sa mladima u njihovim zajednicama. Volonterske radionice su rađene u parovima i teme tih volonterskih radionica bile su: Kreativne radionice, radionice lijepog ponašanja, radionice "Budimo Tolerantni", sportske i edukativne.

Projekat je po planu trebao da traje 6 mjeseci (od jula 2007. do decembra 2007. godine), ali zbog zakašnjelih uplata za realizaciju projekta, projekat je mogao početi sa realizacijom od septembra 2007. godine.

Ovim projektom smo postigli da riješimo probleme na koje smo se osvrnuli prilikom samog pisanja projekta a to su:

- Nedovoljna uključenost mladih u razvoju zajednice** - ovim projektom bilo je direktno uključeno 25 volontera, koji su radili sa oko 130 mladih sa područja općine Bijeljina
- Nedostatak motivacije za aktivnim učešćem u rješavanju problema u zajednici** - kroz ovaj projekat volonteri su kako kroz edukaciju, koja im je bila obezbjeđena, tako i kroz lični angažman razvili motivaciju i želju za aktivnim učešćem u društvu, i direktno su radili na rješavanju nekih od problema mladih.
- Nedostatak aktivnosti u koje bi mladi mogli da se uključe i na taj način steknu nova znanja i rade na ličnom razvoju** - ovim projektom bilo je organizovano 12 aktivnosti/radionica (25 volontera - 12 radionica) u koje mladi ljudi su mogli da se uključe i rade na ličnom razvoju
- Volonterizam kao koncept obrazovanja nije dovoljno prepoznat u općini Bijeljina** - ovim projektom i sam naziv je "Razvoj volonterizma" smo definitivno podigli značaj volonterizma na veći nivo i time omogućili mladima da kroz ovakav vid edukacije stiču znanja i iskustva.

Rezultat ovog projekta su aktivni volonteri PRONI-a u Bijeljini koji su nakon toga učestvovali u realizaciji mnogih projekata kao što su "PROMOCIJA PRAVA DJETETA NA PODRUČJU OPĆINE BIJELJINA", "Dječija olimpijada", Obilježavanje Svjetskog dana Roma, kao i učestvovala na okruglim stolovima, konferencijama za mlade i debatama.

Trenutno PRONI Bijeljina ima 20 volontera/ki koji učestvuju i rade na različitim aktivnostima.

Pročitajte još...
[Intervju sa volonterkom](http://www.pronibrcko.ba/index.php?option=com_content&view=category&layout=blog&id=70&Itemid=106)

[PRONI volonterizam](http://www.pronibrcko.ba/index.php?option=com_content&view=article&catid=40%3Aaktuelnosti&id=122%3Aproni-promovie-volonterizam&Itemid=71)

[Aktivizam mladih u Bijeljini](http://www.pronibrcko.ba/index.php?option=com_content&view=article&catid=40%3Aaktuelnosti&id=87%3AAktivizam-mladih-u-bijeljini&Itemid=71)

[Kreativan rad volontera](http://www.pronibrcko.ba/index.php?option=com_content&view=article&id=127:traite-zani-mljive-i-zabavne-informacije-provjerite-ovdje&catid=40:aktuelnosti&Itemid=71)